



“PRIJEDOR” (IT-97-24)

# MILAN KOVAČEVIĆ



**MILAN  
KOVAČEVIĆ**

*Optužen za genocid; saučesništvo u genocidu; istrebljenje; hotimično lišavanje života; ubistvo; progone; mučenje; okrutno postupanje; hotimično nanošenje velike patnje; deportacije; protivpravno premještanje; bezobzirno razaranje ili pustošenje sela; rasprostranjeno uništavanje i oduzimanje imovine*



Od 29. aprila 1992. do 31. decembra 1992. bio je član Prijedorskog Kriznog štaba, zatim Ratnog Predsjedništva koje je naslijedilo Krizni štab, i Opštinskog odbora za narodnu odbranu. Sve vrijeme tokom tog perioda, bio je predsjednik Izvršnog odbora Skupštine Opštine Prijedor.

- Umro je **1. augusta 1998.**
- Postupak protiv njega je okončan **24. augusta 1998.**

*Krivična djela za koja je optužen (primjeri):*

**Genocid, saučesništvo u genocidu (genocid)**

**Istrebljenje; progoni; mučenje; deportacija (zločini protiv čovječnosti)**

**Ubistvo; okrutno postupanje; mučenje; bezobzirno razaranje gradova, sela ili naselja, ili pustošenje koje nije opravdano vojnom nuždom (kršenja zakona i običaja ratovanja)**

**Hotimično lišavanje života; mučenje; hotimično nanošenje velike patnje; protivpravna deportacija ili premještanje; rasprostranjeno uništavanje imovine i oduzimanje imovine koje nije opravdano vojnom nuždom ili je izvršeno na protivpravan i bezobziran način (teška kršenja Ženevskih konvencija iz 1949.)**

- Od početka proljeća 1992., Milan Kovačević, kao član prijedorskog Kriznog štaba, naredio je i proveo plan čiji je cilj bio protjerivanje i bosanskih Hrvata iz opštine Prijedor i s područja Bosne i Hercegovine koje je proglašeno srpskom teritorijom.
- Plan koji su proveli Milan Kovačević i Krizni štab uključivao je ograničavanje kretanja stanovnika bosanskih Muslimana i bosanskih Hrvata na njihova sela, a zatim su na ta područja naredili ili inicirali napade zajedničkih snaga 43. brigade i drugih jedinica Jugoslovenske narodne armije (JNA), jedinica Teritorijalne odbrane (TO) iz Prijedora, redovnih i rezervnih policijskih snaga iz Prijedora i paravojnih jedinica koje je organizovala i opremila Srpska Demokratska stranka (SDS).
- Bosanski Muslimani i bosanski Hrvati, koje su uhvatile snage bosanskih Srba i srpske snage, a koji nisu odmah ubijeni, odvedeni su u zatočeničke logore Omarska, Keraterm ili Trnopolje, koji su osnovani po naredbi Kriznog štaba. Logori Omarska, Keraterm i Trnopolje namjerno su vođeni na način koji je imao za cilj stvoriti uslove koji će dovesti do fizičkog uništenja zatvorenika, s namjerom da se unište, djelimično, bosanski Muslimani i bosanski Hrvati kao nacionalne, etničke ili vjerske grupe. Uslovi su bili užasni i surovi.
- Od 29. aprila 1992. do 31. decembra 1992., Milan Kovačević je znao ili imao razloga da zna da snage bosanskih Srba i srpske snage pod kontrolom Kriznog štaba ubijaju bosanske Muslimane i bosanske Hrvate ili su to već učinili, a nije preduzeo nužne i razumne mjere da spriječi takva djela ili da kazni počinitelje.

- Tokom napada i nakon napada na nesrpska područja u opštini Prijedor, srpske snage pod kontrolom prijedorskog Kriznog štaba sistematski su pljačkale i uništavale sela i imovinu bosanskih Muslimana i bosanskih Hrvata, uključujući kuće, prodavnice, džamije i crkve. Razaranje je bilo tako širokih razmjera da u mnogim selima bosanskih Muslimana i bosanskih Hrvata na tom području ništa nije ostalo osim dijelova zgrada i štete, a u gradovima Prijedor i Kozarac nije pošteđena niti jedna džamija.

<b>MILAN KOVAČEVIĆ</b>	
Datum rođenja	10. februar 1941., selo Božići, opština Prijedor, Bosna i Hercegovina
Optužnica	Prvobitna optužnica: 13. mart 1997.; izmijenjena optužnica: 23. januara 1998.
Datum hapšenja	10. jul 1997., uhapsio ga je SFOR
Prebačen na MKSJ	10. jul 1997.
Prvo i daljnja stupanja pred Sud	30. jul 1997., izjasnio se da nije kriv ni po jednog tački optužnice; 6. jula 1998. izjasnio se da nije kriv ni po jednoj tački optužnice

## STATISTIČKI PODACI

<b>SUĐENJE</b>	
Pretno vijeće II	sudije Richard May (predsjedavajući), Antonio Cassese, Florence Mumba
Optužba	Brenda Hollis, Michael Keegan
Odbrana	Dušan Vučićević, John Ostojić

<b>POVEZANI PREDMETI</b> <i>po geografskom području</i>
STAKIĆ (IT-97-24) "PRIJEDOR"
DRLJAČA (IT-97-24) "PRIJEDOR"

## OPTUŽNICA I OPTUŽBE

Prvobitna optužnica protiv Milana Kovačevića i Sime Drljače podnesena je 13. marta 1997., u u njoj su obojica bili optuženi za navodne progone bosanskih Muslimana i bosanskih Hrvata u opštini Prijedor u razdoblju od aprila do decembra 1992. Nakon smrti Sime Drljača tokom pokušaja hapšenja od strane SFOR-a u srpnju 1997., optužnica je izmijenjena, a 28. januara 1998. Tužilaštvo je podnijelo prvu izmijenjenu optužnicu samo protiv Milana Kovačevića.

Operativna optužnica protiv Milana Kovačevića bila je redigovana optužnica podnesena 12. maja 1998. U izmijenjenoj optužnici je navedeno da je od 29. aprila 1992. do 31. decembra 1992., Milan Kovačević, s drugim članovima Kriznog štaba, planirao, organizovao, naredio i proveo kampanju protjerivanja stanovnika bosanskih Muslimana i bosanskih Hrvata iz opštine Prijedor i područja Bosne i Hercegovine koje je vodstvo bosanskih Srba proglasilo srpskom teritorijom. Centralni aspekt ove kampanje bio je ubijanje dijela stanovništva bosanskih Muslimana i bosanskih Hrvata kako bi se osiguralo da se ostali ne žele vratiti. To je postignuto ubijanjem i pogublivanjem pripadnika tih grupa, podvrgavanjem drugih teškom tjelesnom i duševnom zlostavljanju, kao i zatvaranjem bosanskih Muslimana i bosanskih Hrvata iz opštine Prijedor u logore Omarska, Keraterm i Trnopolje u uslovima koji su smišljeni kako bi doveli do fizičkog uništenja zatvorenika; sva su ta djela izvršena s namjerom da se uništi dio grupa bosanskih Muslimana i bosanskih Hrvata u Prijedoru.

Milan Kovačević je bio optužen na osnovu individualne krivične odgovornosti (član 7(1) Statuta) i krivične odgovornosti nadređenog (član 7(3) Statuta) za:

- Genocid; suučesništvo u genocidu (genocid, član 4)
- Istrebljenje; progoni; mučenje; deportacija (zločini protiv čovječnosti, član 5)
- Ubistvo; okrutno postupanje; mučenje; bezobzirno razaranje gradova, sela ili naselja, ili pustošenje koje nije opravdano vojnom nuždom (kršenja zakona i običaja ratovanja, član 3; teška kršenja Ženevskih konvencija iz 1949., član 2; i Dodatnog protokola II Ženevskih konvencija iz 1949., član 2)
- Hotimično lišavanje života; mučenje; hotimično nanošenje velike patnje; protivpravna deportacija ili premještanje; rasprostranjeno uništavanje imovine i oduzimanje imovine koje nije opravdano vojnom nuždom ili je izvršeno na protivpravan i bezobziran način (teška kršenja Ženevskih konvencija iz 1949., član 2)

## SUĐENJE

Suđenje Milanu Kovačeviću počelo je 6. jula 1998.

## OKONČANJE POSTUPKA

Milan Kovačević je umro 1. augusta 1998. u Pritvorskoj jedinici MKSJ-a. Dana 24. augusta 1998., Pretresno vijeće je okončalo postupak protiv njega.